

八年中明除任例。僉都寺卿任滿稱職。某有言論風棱。陞副都職。某有心術幹事。陞右侍郎。外任陞承政職。副都右侍郎。承政使滿任稱職。陞都御史左侍郎等職。

九年准定政職任子。初授銓典翰典義司務典史典籍左虞等職。任滿銓寺丞員外等職。再任滿銓知府少卿郎中等職。其儒生中式監生有春試中三場者。初授訓導學正序班等職。未中而頗有學行者。銓典簿教授等職。任滿銓知縣。任再滿銓知府職。

嘉宗德元元年。定內外各職除任例。儒生中式除任不拘年限。其監生應務本監十五年爲年深。十場爲場多。本監等官有移保。內除長史伴讀咨議講諭監簿序班閻門典簿知簿都事等職。外除知縣知州訓導等職。任滿二遭。內陞爲員外寺丞司務錄事縣尉學正照勘。外陞左虞都官等職。其員外有會試中三場。內陞郎中少尹少卿副斷事教授。外陞爲憲副。任滿稱職。並陞各處參議職。如寺丞司務錄事縣尉學正照勘。左虞都官任滿并會試中三場。內陞少卿員外經歷。外陞知府等職。任滿稱職。內陞郎中外陞憲副。任滿稱職。並陞各處參議職。

任子鄉試中式任例。係三品以上子。某有鄉試中式會試中場。除爲寺丞吏戶二部司務通政司典事詹事院典史滿任。內陞員外通丞。外陞知府等職。任滿稱職。內陞郎中少卿詹事副斷外陞憲副等職。任滿稱職。陞各處參議職。華文學生成除任例。某係試中華文學生成有考中上藝中藝除任本監生正字職。任滿內陞典書外陞同知府典書稱職陞參議。若考在下藝。內除知簿。

外除縣丞同知州等職。

儒生隨軍都更年深除任例。儒生有軍功。朝僉簿。內除都事知簿職。都吏年深。本官有移保諸錄吏

卷十九 官職誌

錄舉考課之法 銓選

百〇四

事外除縣丞同知州等職。其按吏亦如之。任滿內陞寺丞治中通判。外除右廩。任滿稱職。外陞爲同知府內陞少卿。稱職陞爲郎中副斷事等職。任滿稱職。陞各處參議職。

侍內舍人書寫舍人將臣吏政文令史。預有奉令旨嘉旨及啓稟准下子封。應務日久。其該衙門銓衡應照依華文學生除任品次。

按中興以來除任名職之法。至此始有定例。永盛保泰而後。雖間有所斟酌。而品級次第。則已略備於此云。

熙宗正和二年復準定正職任子。初授銓寺丞司務典翰典事等職。又任再滿銓知府員外等職。再任滿陞少卿郎中等職。又任再滿朝堂保陞憲副職。其儒生中式監生春試中三場者。初授銓訓導繁任監簿等職。未中場而有諳曉禮度。與年深場多者。銓訓導簡任。及閭門使副寺卿。任滿各隨繁簡銓知州知縣學正等職。再任滿或再銓知州與都官縣尉照勘左廩知府等職。任再滿銓除同上。其儒生中式監生有奉侍預書寫者。初授銓所使副所使等職。未試中而奉侍預書寫攻文令將臣吏舍人華文及都吏年深者。銓知事知簿斷事都事獄丞訓科正事等職。任滿銓同知州縣丞等職。任再滿或再銓縣丞與通判治中推官等職。任再滿銓少卿郎中等職。其試中書算奉侍勾稽該合首合者。初授八品歷任各職同。

裕宗保泰元年準定正職三品以上任子銓寺丞職。三品官任子銓司務職。任滿寺丞銓知府職。司務銓知縣。或寺丞儒生中式監生初授銓學正照勘左廩等職。任滿銓知縣職。其憲副職不在保例。以知縣滿爲之。餘同舊例。

是年復定銓授二流屬員各職例。

二年定四仲除任例。遞年四仲月監官考諸生與舉人四課預選者聽監官保舉吏部除任。又准定士望陞除例優分陞少卿優中陞員外中項以上並陞知縣覆考預中格者陞縣丞某員已預知縣職以上者隨次遞除其餘次並與銓例同。

按中興銓法中場之外有任子士望宏詞四仲等例准中除授與場多同格如士望宏詞四仲並准爲二中任子准例隨品遞加三品任子准二中二品任子准三中一品任子准四中故高門子弟僅得中式者仕途已超出於寒

家而士能兼預選者則亦不待於年歲之久者而已在保舉列矣然就中求之數者之得失不無殊異如士望宏詞四仲等例廣於用人士之有才學得以自拔不至爲年場之所拘限此誠銓選公道至若任子之法殊屬無謂徒以世廕之資超出常格膏紈貴游每得以無寔濫選而擇才實官之選未免失於偏私此銓法之不能以皆善也。

四年再准定正職教授銓知縣職任滿銓寺丞職寺丞任滿銓殿前獄丞任滿銓同知府職餘依舊例。

八年定宗室支派銓除例遞年宗人府詳擇堪爲縣丞五名千戶五名備數付吏部官照例銓行。永慶帝二年參從阮公沆等言前制憲副以員外知府稱職者保舉照勘以知縣任滿者銓除近始以知縣滿任陞憲副中場初授銓照勘第憲副係方面彈劾之司照勘亦繙閱研磨之職請遵舊制以稱職事從之。

顯宗景興三年定吏部銓考例。凡正二除任以中場考中及年勞資序爲繁簡之差。其由軍功者不得銓任實職。

附錢穀銓授

陳裕宗大治五年詔富民出粟賑貸貧民賜爵有差。

聖宗光順元年指揮諸府路鎮諸縣峒冊庄軍民諸邑貯粟數多情願上進者聽就所該管司呈報修簿奏呈隨其多少授之官爵自二百石許散職正七品官一百五十石許散職從七品官一百石許散職從八品官其子並免選若七十石賞一資止復其身。

按入粟拜官之制始於西漢前此蓋未有也我越一行於晚陳再行於光順而其後遂爲通行之例云。

憲宗景統二年敕良民進粟授官一依前例。

裕宗保泰二年令天下富民入粟授官尋復令預納錢鈔授以職品。

懿宗永祐五年旨傳天下官員百姓有情願進錢粟者許謹啓聞納在政堂限一月以裡仍候搬運投納照數銓授職品有差文武六品以下侍內監五品以下進錢五百貫許陞職一次其未有職者許從如例進二千五百貫授太繁任府官一千五百貫授繁任縣官一千二百貫授太繁任縣官一千貫授繁任縣官七百五十貫授次繁任縣州官五百貫授簡任縣州官一次三百五十貫授無任縣州官二百五十貫授八九品職官其進粟予每六十官鉢准古錢一貫照依錢數授職錢粟相半亦聽凡銓授各職其担錢各衙門減三分之二以上各等有職無職及齊民並依數等銓授如恭進人數多者錢數同以進日早晚及脚色年齒高下定先後銓授間有餘數許待缺後銓。

顯宗景興二年准定進錢拜職官先是許進始鑄醜錢付官改鑄仍照錢數除授職品至是舊錢與始鑄錢並許通用量准錢數除授有差

業授職品諸員名人恭進授職有差二百五十貫授訓導副所知事等職二百貫授典籍知簿所使等職三百五十貫授知縣知州縣丞同知州等職五百貫授寺丞殿前等職及簡任縣官八百貫授府官及繁任縣官等職九百貫授典書及簡任府員等職一千一百貫授太繁任縣官一千三百貫授繁任府官職一千五百貫授太繁任府官職

已授職諸員人恭進陞授有差典簿訓導知縣所使副使知事等職進二百五十貫授縣州官進四百貫授寺丞殿前等職縣州官進二百五十貫授寺丞殿前等職六百貫授府官及繁任縣官等職七百貫授典書及繁任府官等職九百貫授太繁任縣官職一千一百貫授繁任各官等職一千二百貫授太繁任府官職其歷任各員進三百貫者陞一次內外兵進一百六十貫授百戶職

九年復定進納錢粟除授例文武自預班以上侍內監自奉御以上進錢二百貫陞職一次其文自中場部寺各員武自未授班至屬員內監自各小未有職品者其恭進授職並依准定多者遞加惟參議憲副二職有任者係方面官其員有情願恭進應照隨繁簡別議太繁任府官錢八百貫次繁任錢七百貫太繁任縣官錢六百貫次繁任縣官簡任縣官三百貫無任縣官二百五貫典簿知簿所使等職錢二百貫訓導知事副所等職一百八十貫該合本身一百二十貫首台本身一百貫未有恭進者並依此例其已有職品許已授職一次減古錢一百貫次者並以此推溢任無任等員乞平調者恭進古錢三百貫授太繁任恭進二百貫授次繁任已有職品加進每一百貫陞一次正五

卷十九 官職誌

鑑考課之法

保舉

百〇八

品以上。每二百貫陞一次。從三品以上。每三百貫陞一次。其子爵男爵每一次古錢一百貫。某人情願進粟。應依價准錢銓授。其粟子許隨便納在本鎮及所近官庫收貯。

二十一年復准定進粟子授職令。辰年穀稍豐。穀價頗賤。旨傳參酌舊例。許各恭進粟子以充儲積。仍銓授職任。以粟數多少爲差。其情願納錢者亦聽。文武預班侍內監五品以上恭進粟子並隨多少加陞職爵品次。武職文職侍內監六品及奉侍諸臣進粟子一萬鉢者許陞職一次餘以類推。太繁任府官粟子六萬官鉢。古錢七百五十貫。次繁任府官粟子五萬官鉢。古錢六百二十五貫。太繁任縣官粟子四萬官鉢。古錢五百貫。次繁縣官粟子三萬官鉢。古錢三百七十五貫。無任縣丞寔任訓導粟子一萬官鉢。古錢一百二十五貫。八九品無任職粟子八千官鉢。古錢一百貫。溢任無任等員乞平納者授太繁任。授次繁任並照本等減三分之一。凡銓授各職衙門担禮錢並停。

按職品之重非可賣鬻。乃以國家公器轉爲利途。固非盛世之所宜也。然光順所授進粟官品猶是散職末階。未爲甚害。迨永祐景興以後。繁任府縣等職。一切准定成價。凡仕途辛勤年場而後得者。平民皆可以粟錢立致。則是銓衡之選濫。皆銅臭之所啓矣。名器泛濫。幾何而不爲漢末晉衰之弊哉。

◎保舉

黎太祖順天元年。指揮大臣文武等各舉賢良方正。二年命文武大臣公侯大夫自三品進舉賢才。詔曰。朕惟致治必在於得賢。得賢必由於薦舉。是以有天下者必以是爲先務也。古昔盛時。羣臣在朝。濟濟相讓。故下無遺才。上無廢事。以成雍熙之治。

至於漢唐之臣。莫不推賢讓能。更相汲引。蕭何之薦曹參。魏無知之薦陳平。狄仁傑之薦九齡。蕭嵩之薦韓休。雖其才器有高下之不同。然亦莫不各得其人以當其任也。今朕膺茲重典。夙夜祗慎。若臨深淵。正以蒐賢弼治之未得人也。其令文武大臣公侯大夫自三品以上。各舉一人。或在朝。或在野。或已仕。或未仕。苟有文武智識之才。堪臨民御衆者。朕將隨而用焉。且薦賢受上賞。古道然也。若舉得中材。則陞爵二等。或舉得才德俱優。超絕倫等。必蒙重賞。雖然才之生世。固爲不少。而求才之道。亦非一方。或蘊經濟之略。而屈在下僚。無人薦舉。與夫豪傑之士。伏於草莽。混爲卒伍。若不自達。朕何由識之。今後君子。有欲從我遊者。各聽自薦。昔毛遂脫穎而從平原。甯戚叩角而感桓公。何曾以小節自拘哉。詔出之日。凡其具僚。各盡乃誠。敦請薦拔。至於閨闥側陋之士。亦勿以衒玉求售。爲恥。而使朕有乏才之嘆也。

按舉賢命之百官。歷代皆然。至於各使自薦。則渴于求人之意。可想見。而格限流品。皆在所不論也。蓋當是時。明人肆毒之後。士之不樂進者。往往沉於草萊。潛于林壑。苟非開格求之。則淹滯者。又無以自見也。太祖甲馬未遑。而急於求才。如此。所以爲創業之英主歟。

聖宗洪德八年。命朝臣舉縣官職。有剛直能觸邪者。各一員。

十三年。定保舉承司官令。敕旨各處承司官職任尤重。除選之際。宜得僉諳。繼今各處承司官見缺。吏部具奏送下朝臣。如都憲二司例。保舉內外員。孰堪其職。送吏部施行。

十五年。敕令內外各衙門見缺奉行保舉。如某員常知某人。果有才識兼詭。堪除某職者。科臺等官。公同編記。署簿詳明。後或貪狼不堪。居官無狀者。查照某官員妄保非人。糾舉送問。

卷十九 官職誌

錄舉考課之法

保舉

百〇十

十八年定保舉總兵官詔曰總兵之官一方重寄不可不慎於委任科臺等官宜保舉各衙門膽略學識資望才幹廉勤者銓除敢有徇私妄保猥劣貪懦者治罪。

二十年定保舉刑部司官例敕旨刑獄之事所係匪輕鞠勘之官當慎其選自今刑部員外有缺干員吏部具本內則六部御史臺上官六寺卿外則承憲二司等官公同保舉所知及該各衙門官曾歷二考以上廉潔練達諸練刑名六部一本本處承憲二司每司一本開注保舉者姓名明白具本得旨送吏部銓除如有容私徇貨保舉非人者六科御史體察糾彈如律治罪。

按舉人有二道薦舉者取其才德優異而不拘流品也保舉者取其名望著聞而必循資格也二者相似而體微不同保舉之例始定於洪德當辰慎重其事又嚴懲罰之典所以人不敢私舉任皆稱職而卒收得人之效也。

中興以後定例文官三品以上武官各職其陞授並奉旨準不由保舉惟文四品以下預班內外官各職及中場參議憲副有缺員或滿考者府僚開列上請付朝堂保舉提刑十三道六科起論吏部宣唱六寺卿評論一次左右侍郎評論一次御史臺折衷六部尙書五府等職斷可卽計列所保諸員洞達奉御允方謹啓候奉下封子選朝堂依例奉行其翰林東閣如見所保未協亦得交單上聞玄宗景治八年令朝臣各舉所知有學行政事堪爲府縣正二與訓導者一品舉四人三品至五品各舉三人六品至八品各舉二人付吏部銓除任職舉得其人議加獎賞如見有負所舉肆爲貪墨許先陳言免其連坐隱不以聞罪亦如之。

裕宗永盛三年。命二司舉所屬縣令堪府任正二者。與所舉之人皆來查閱銓授。保泰三年。准定武四品以上聽遞年保舉。與文官同其武預班文武府僚並於朝堂會保。五品起論。四品評論一次。三品評論一次。正三品折衷二品以上斷可。並倣立班例奉行。

顯宗景興三年。命文官三品以上預府僚者。舉堪爲府州者各一人。

九年令朝臣各舉知諭曰。我聞之書訓曰。旁招俊乂。曰舉能其官。自昔臣鄰盡心報國。未嘗不以薦揚爲務也。今寇盜未寧。師旅未息。正求士共功之日。我繹稽經訓。思得寔才。振淹揚陋之條。屢形播告。現茲提兵共武。猶乏壯猷。秉鉞執殳。未來良士。毋乃薦揚未廣。揀擇未敷。致桓武奇才。未登于用。所當旁搜博訪。以廣甄收。其令文自三品以上。武自首號以上。與各道統督佐理參謀叶同等員。各舉所知。凡列校隨校屬率。與溢官諸員。及未入流品。某有智勇兼備。可管奇號者。某有才藝可管一隊者。某有果敢折衝。可爲先鋒者。許列姓名。備啓遞達。我方隨才授用。考寔驗功。如舉得寔才。卽重加賞。若匪其人。亦嚴加顯罰。庶使薦舉得人。賢能樂用。以速掃清之舉。成薦定之功。勉殫乃心。不應後志。

二十四年定百官舉賢才。其略曰。國家立政。必待賢才。朝廷用人。當稽衆論。我留神圖治。銳意求才。深惟可用之才。尙有屈於下僚。淹於草澤。疇咨熙載。夢寐不忘。爾等當念薦賢爲國之義。各舉所知。二品以上舉二人。三品以上舉一人。不拘在野在朝。並得從公推薦。或可當內外職司。或可當方面重任。與可當管奇兵隊。並可寔封遞達。以備采擇。舉能其官者有賞。稱匪其人者有罰。勉思迪簡。式

卷十九 官職誌

銓舉考課之法

考課

百十二

副敷求。是年又命各處二司保舉府縣官。啓陳屬內在官事狀。各以名聞。

◎考課

李英宗紹明二十三年。考課文武臣僚無過犯者增秩。凡九年爲一課。定爲常憲。

高宗貞符四年。考績百官。以有文學才幹爲一類。才高行純洞識古今爲一類。不通文學而勤敏才幹爲一類。使之管治民軍官皆當才。無有冗濫。

陳太宗天應政平十五年。閱文武內外官。十五年一閱。定十年加爵一級。十五年加職一等。某官缺員。則以正兼副。正副並缺。則以他官轉之。待考備始授本職。

按李陳課法年限。皆屬遲久。李以九年爲課。猶是古制。至陳以十五年一閱。則失之太緩矣。何者。期限急迫。固非善法。然黜陟而過於寬慢。則賢能不免淹滯。而無才者每得以苟容。非所以爲鼓舞作新之政也。書稱三載考績。三考黜陟。至周三歲誅賞。其法已不能然。况於世變屢繁。非時有警策之。豈能久而無弊哉。要之三年升降似屬促遽。遞年一閱政績。而以六期爲斷。斯則不肆而不拘也。

黎太祖順天元年。指揮大臣等考内外任。一等文武才幹敏辦。二等識字才幹敏辦。三等精寫草書。算外不入等。具爲一等。

太宗紹平元年。指揮五道及各鎮總管宣慰等。其路鎮縣各官功績。付本道行遣考核。各鎮將校付本道總管考核。其省院局官。命少保右弼考核。左右班內殿各官。命押衙右班內密院考核。各分爲

三等務要明當無得偏私顛倒。三年賞內外在任官年久勤幹者一等爵一資錢五貫二等爵一資。

聖宗洪德元年定考課該內令凡內外各衙門長官考課該內詳勘歷任事跡如有留心撫字民情愛慕者并管內逃亡數少方稱職若攬擾誅求徇私生弊并管內逃亡數多爲不稱職。

二年禁滯考課諭曰考課之法所以甄別賢否振起治功唐虞三載考績行其黜陟成周三載計治行其誅賞今爾內外各衙門在任職滿二年宜卽告該官無得留滯若經百日內不類送者計所滯每員罰錢十貫徇私容情一體治罪。

九年勅旨各處都承憲三司詳察部內官吏或有廉汚勤怠及儒學臣訓教人才遞年充貢有無多少俱以名稱定行黜陟又定揀汰令凡內外文職衙門堂上長官各宜從公詳審所該官員間有劣鈍鄙猥不堪任者明注備奏送吏部覈實並敕致仕更選經歷任事有器識練達者代除之內外管軍各衙門長官宜詳審所該衛所等官間有疲劣闌胥不堪任者明注備奏送吏部核實或更簡任并勒致仕更選曾經征戰有器識幹事者代除之。

按洪德三載考績之法既有成典而復時加詳察揀汰之令則其爲勸懲警策之具者無不至矣當時庶績惟熙號稱極盛之世者豈非賞罰嚴明之效歟。

十九年頒降考課例凡課法三年初考九年通考方行黜陟各衙門任滿三考備將任內行過事蹟無有過犯等由備呈該長官從公考覈以見任爲始試官滿三年受寃職爲初考任內有過犯不應

卷十九 官職誌

銓舉考課之法

考課

百十四

考課及非軍功特陞者。自過犯并特陞之後。再定爲初考。備將稱職平常。逐項定爲考課。又詳開行過事跡。無有過犯等由。備呈該知衙門覈考。吏部收照。俟滿九年。通考該官付將前後任內。每考行過事跡。考定詞語隨其官職輕重。或奉送。或留送。吏部參照前後繁簡。各考如例。具奏施行。某衙門詐妄。擅著功能。隱核該官不能檢核。欺蔽相容。吏部查檢送問。係官內外親并開國功臣子孫及武臣前已在官。後以軍功蒞任。滿考稱職。例陞一二品者。吏部具本請旨。得旨許陞如例。如百姓子以自身。或以戰功蒞職。考稱滿職。例得陞級。止許三品以下。若九年之內。既以別功陞級。通考又稱職。應陞至二品以上者。吏部具奏取旨。三品以上。如例施行。某若奇才異等。特旨陞除者。不拘此例。卹軍民愛慕。稅例無欠者。方考稱職。如例陞賞。若攬擾誅求。徇私作弊。雖無有寔跡。而奸貪衆所同知者。並考爲不稱職。

二年定考課。敕諭吏部尙書陳瑾。吏科黎嵩等曰。爵賞乃勵世之柄。考課寔計吏之方。黜陟幽明。虞舜所以凝庶績。綜核名實。漢宣所以致中興。蓋在上既神鼓舞之機。則爲下必勵進修之志。不公好惡。曷以勸懲。我國家稽古定官。仁人共政。選舉之權公而明。考課之條詳且備。云胡百執視作虛文。長官固辨賢愚。例分善最。該司寧論可否。概以廉能銓曹例執於權衡。吏科間罕於駁正。勤勞盡瘁。積年方得陞除。鎖碎偷奸。指日亦蒙進秩。官途冗濫。職此之由。茲當蒞祚之初。尤切更弦之治。宜如事例。諭爾知之。繼今內外文武官員。任滿九年無贓犯。應得考課者。該考覈官。遵如例詳加審實。某

員有材幹能應務果非碌碌庸常。旅進旅退者方許考爲稱職。陞賞如例。若某員任滿九年無贓犯而其人無才能。因人成事。不得考課陞賞。及怠慢惰愚者輕貶重降。考覈官敢有徇情妄考。吏部考覈不明。吏科審駁一體送刑部如律治罪。

三年詔繼今各處承憲二司官詳訪府縣等官所行功過每至歲終定爲上中下三考。某人愛恤下民廉勤功績爲上考。愛恤下民徵科不擾公事無缺者爲中考。某人碌碌旅進旅退爲下考。承憲府縣州等吏某人有廉能勤敏者爲中等。某人鄙猥不勤者爲下等。類取姓名詳註事跡具本送吏部收照。官員通併前滿考九年如課例黜陟施行吏典滿年限中等多者許照例陞充官吏果有濫冗奸怠贓賄寃迹者送吏部勘寃如例治罪。承憲官有恩怨賄賂類奏不公以致善惡混殺功過失寃科臺等官體寃核奏送間其御史臺官亦詳訪各處承憲功過每至年終定爲上中下考類奏並如承憲官類奏府縣州等官例施行。

中興初定考課法御史臺考提領府尹及承憲二司府尹及承憲二司考屬內府縣官某官勤慎公廉愛恤下民興便除害政平訟理者爲上考。某官愛恤下民催科不擾公事不缺爲中考。某官碌碌庸常旅進旅退貪汚冗淹留獄訟者爲下考。

神宗德隆二年下令內外各衙門遵如職掌某員能慎守職司廉平勤幹或滿考民心愛慕或本官啓保應實加陞一次并留任以示激勵若某不能慎守多行冗弊輕者貶罷驅回重者充軍終身不得叙用。

卷十九 官職誌

姪舉考課之法

考課

百十六

玄宗景治三年。命御史臺考課內任十三道提領府尹外任都承憲三司與臺吏照舊定法官分爲三考。吏分爲二等。某吏廉能勤敏奉公守法爲中等鄙猥不勤貪冗作弊爲下等歲季備類論行黜陟。

熙宗永治元年。考内外官課績。時外官以課殿左降者十餘人。御史臺官以考課失實貶職。正和三年定考課法。遞年一考。類分三等。三載方論黜陟。凡內外各職滿三載。係三考皆爲上陞職。二次加賞古錢五十貫。二考上一考中陞職一次。加賞古錢五十貫。初年次年中考後年上考陞職一次。初年中考次年上考。後年中考陞職一次。初年上考次年中考後年上考陞職一次。初年下考後年中考。後年中考相准。初年上考次年中考後年下考平調簡任。三考皆下罷職。二考下一考中貶職。二次一考下二考中貶職。一次初年下考次年中考後年上考相准。初年下考後二年上考賞古錢三十貫。

六年准定內外考課黜陟賞罰條格。先是內外官歲一考課。即行黜陟。人苦其促。乃定一年考課。三考黜陟之法。賞罰視上下中考多少爲差。於是諸司競相敕勵。鮮有廢職。

按是時考課最嚴。內外官有政績者必遷高秩。調繁任在下課者即遭貶降。無能苟免。如山南參政宋儒。太原參政阮致中。府尹阮名遵。監察武惟忠。皆坐下考貶職。革仁京北參政范光宅。以考屬內課失當。貶都給事司訓阮光鑄。下考被黜。乞推恩再貶司議。從文屬職法典嚴明。士夫競勵。居官者皆以風節自勉。號稱清平。蓋可見明作之效也。

十四年定考吏屬法。分廉勤怠惰平常貪狡四字。陞降留逐有差。二年一行查考。永爲恆式。某人廉勤。練達。照例

陞充某人平常無過。仍留應務。某人怠惰鄙獨。送出外藩簡任。某人貪冗狡猾驕回受役。十五年新定課法。內外各衙門。某衙門繁忙。而獄案簡少者。與勘訟並無翻覆爲上考。

裕宗永盛三年。申定內外官考課法。准例三考皆上。陞職二次。二上一中。陞職一次。並加賞錢五十緡。初年上考。次年中考。後年下考。平調簡任。二中一下。貶職一次。三年內具上下中考用爲准法。

按中興以後。課法黜陟之例。年限不一。如德隆景治以前。每於歲季論行。期限促追。正和初始定三載爲課。六年以後復行洪德九載黜陟之制。至於永盛保泰。又以三年爲斷。大要隨時政寬迫而爲之課法也。然嘗以爲考課之法。太拘則能者未顯。太緩則奸者苟容。若歲終論斷。則失之太拘。九載黜陟。又流於太緩。斟酌古今。求其適中。當以二年爲一考。三考六期。准定功過。以行賞罰。則賢能既不苦於日淺。闇孽亦不得以苟容。斯爲不易之定制也。

十一年定徵課法。以徵收足欠多少。與憂恤苛刻參校。三年一課。分爲殿最。以定賞罰。

十五年定考課。鎮司法御史歲終一課。分上中下三等。以明殿最。考法以擒制勘問。提路識察勾逃。凡五條。

十六年定考課。高平鎮司課法。以擒制驛遞徵收勘問四條。歲終考績。與內鎮同。以示激勵。又準定御史臺內外各衙門。課績上考下考。依舊中考分中上中中下三等。以示甄別。是年考文武十年課績。文武阮公沆。阮公基。黎英俊等預上考課。凡四十人。

保泰七年考課績。王親以所管兵民保鳴官庫錢足欠多少。朝侍足欠別跡。得賞被罰爲等。武班以

卷十九 官職誌

銓舉考課之法

考課

百十八

所管兵數多少。兵民保鳴官庫錢足欠考課射掉差行事務得賞被罰爲等。文班以任職遞年勘訟課績。內外任民保鳴與管牧民隨候民保鳴朝侍足欠差行事務得賞被罰爲等。侍內監以所管民兵保鳴官庫錢足欠多少收民課績。考陣射掉差行事務得賞被罰。朝侍更直足欠爲等。其王親文武課績。查自庚子至乙巳凡六年侍內監課績。查自己亥至乙巳凡六年照分上考中上中中下考爲差。

按有黎課法最爲精密。開國之初極詳於洪德而中興以後尤嚴於正和永盛之間。廉幹者必褒庸劣者必黜。百司敕勵庶政修明故言治者前以洪德爲首稱而正和永盛爲中興後極盛之世良以賞罰之有此具也。龍德永佑而後課法廢弛迨于景興雖常申飭舊制而臺長憲司徒以課法爲具文非復褒善糾違之實。庶司玩愒善否混殺致治遂不能與昔並也。常試論之爲治之道固非只於賞罰而率作之典實莫大於勸懲蓋無所爲而爲善無所畏而不爲惡十無一二其餘尋常之人未免見利而動同俗而趨苟非有警策旌別之典其何能以懲貪私而勸風節也哉委以翰屏之司寄以生民之命而任其依違退滿載以歸其不凜厥官而病斯民者鮮矣是故安民之政莫大於董治官董正之方必在於考課績詳其上下而明其黜陟則廉恥殊路政化流行帝王致治之要不越此也。